

UGOVOR

za nabavku usluga osiguranja službenog motornog vozila

zaključen između:

USTAVNI SUD BOSNE I HERCEGOVINE, Reisa Džemaludina Čauševića 6, Sarajevo, koga zastupa generalni sekretar Ustavnog suda BiH, Nataša Vuković (u daljem tekstu: Osiguranik)

i

GRAWE OSIGURANJE d.d. Sarajevo, Trg solidarnosti br. 2, Sarajevo, koga zastupaju Fikret Hodžić, direktor i Jasminka Turbo, izvršni direktor (u daljem tekstu: Osiguravač)

Član 1.

Predmet ovog ugovora je osiguranje službenog motornog vozila AUDI A6 40 TDI quattro S tronic od automobilske odgovornosti (AO) sa zelenim kartonima i auto-kasko (AK), prema definisanim uslovima iz poziva za dostavu ponuda broj SU-08-1038/23 od 22. novembra 2023. godine i prema sadržaju ponude broj 14974/2023 od 27. novembra 2023. godine sa kojom je Osiguravač učestvovao u provedenom postupku javne nabavke i koja je sastavni dio ovog ugovora.

Član 2.

Osiguranik će prema svojoj potrebi ugovarati vrste osiguranja za vrijeme trajanja ovog ugovora.

Za prihvaćene vrste osiguranja ispostavljaće se police osiguranja prema ponudi iz člana 1. ovog ugovora.

Policama osiguranja se ugovaraju: početak i prestanak trajanja osiguranja, predmeti osiguranja te ostale odredbe koje se odnose na prava i obaveze ugovornih strana u toj vrsti osiguranja.

Član 3.

Ugovor se zaključuje na određeno vrijeme, za period trajanja osiguranja od jedne (1) godine.

Član 4.

Sveukupna premija osiguranja od automobilske odgovornosti (AO) sa zelenim kartonom i premijom za AUTOKASKO (AK) iznosi 2.083,01 KM.

Premija osiguranja od automobilske odgovornosti (AO) i premija za AUTOKASKO (AK) će biti plaćene u cjelosti nakon ispostavljanja polica osiguranja i prijema računa.

Član 5.

Osiguranik će račune ovjerene od strane Osiguravača za usluge osiguranja platiti posredstvom jedinstvenog računa budžetskih institucija Bosne i Hercegovine, putem Ministarstva finansija i trezora BiH. Faktura će se proslijediti na plaćanje odmah, a najkasnije u roku od 30 dana po prijemu bez primjedbi.

Osiguravač je saglasan da Osiguraniku neće zaračunavati kamate za zakašnjenje prilikom plaćanja preko Trezora, ako je Osiguranik u gore ugovorenom roku predao nalog za plaćanje Trezoru BiH.

Član 6.

Kada se dogodi osigurani slučaj, Osiguravač je dužan isplatiti naknadu iz osiguranja najkasnije u roku od 7 dana od dana kompletiranja dokumentacije.

Član 7.

Osiguravač se obavezuje da će čuvati tajnost podataka Osiguranika koji mu budu prezentirani prilikom ocjene i revizije rizika, prilikom zaključivanja polica osiguranja, rješavanja odštetnih zahtjeva kao i tajnost podataka koji budu uneseni u police osiguranja i njihove priloge.

Član 8.

Sastavni dio ovog ugovora osim ponude navedene u članu 1. čine:

- uslovi osiguranja od automobilske odgovornosti,
- uslovi za kasko osiguranje motornih vozila,
- police osiguranja.

Član 9.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 10.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 11.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 12.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Osiguravača

Fikret Hodžić
Direktor

Jasminka Turbo

Izvršni direktor

Broj: 153/23
Datum: 28. 11. 2023

Za Osiguranika

Nataša Vuković
Generalni sekretar
Ustavnog suda Bosne i Hercegovine

Broj: SU-08-1038-2/23
Datum: 27. novembar 2023. godine